

TANJONA

Mahay mitanisa ireo andraikitra sy fihetsika tokony hananana eo anivon'ny ankohonana sy ny fianakaviana

LESONA HOTADIDIANA

Famaritana :

→ Ny atao hoe ankohoanana dia fitambaran'ny ray sy ny reny ary ny zanaka ao anaty tokantrano iray. Ny fitambaran'ny ankohonana maromaro, iray loharano nipoirana no mandrafitra ny atao hoe fianakaviana.

Ny anjara asa sy anjara toerana eo anivon'ny tokantrano :

→ Misy ny anjara toeran'ny tsirairay ao anatin'ny ankohonana sy ny fianakaviana. Izany anjara toerana izany dia mitaky anjara andraikitra mifanandrify amin'ny tsirairay.

Ny fototra mampilamina ny fiainan'ny ankohonana sy ny fianakaviana :

→ Mifototra amin'ny fifanajana sy ny fifankatiavana ny firindran'ny fiainan'ny ankohonana

Mitaky fihetsika amam-pitondran-tena mendrika ny fiainam-pianakaviana mirindra, izany dia mifototra amin'ny anjara asa sy ny anjara toeran'ny tsirairay.

Fatra-panaja ny ray aman-dreny ny Malagasy ary maro ny ohabolana sy ny oha-pitenenana nentiny nanoharana izany rohim-pfandraisana nanjakan'ny fifankatiavana sy fifanajana fatratra izany.

Fatra-mpanaja ny loharano nipoirana ny Malagasy ka tsy mba natao ambanin-javatra izany ray aman-dreny izany. Tsy azo atao ohatra ny

miteny imason'ny ray aman-dreny fa mangata-dalana raha tsy maintsy hiteny, ny mitsako alohan'ny vazana, sy ny sisa maro be.

Ohabolana sy oha-pitenenana :

“ Velona iray trano, maty iray fasana ”

“Mpirahalaha mianala, izy tokiko, izaho tokiny”

“Manan-joky miangola, manan-jandry mihanta”

“Manan-joky afak'olan-teny, manan-jandry afak'olan'entana ”

“Zoky toavina, tsy andrina; zandry manoa tsy andevo”

Teny hiantsoana ny Ray aman-dreny =

Siny be manga roa

Masoandro amam-bolana

Loharano nipoirana

Sahanasa 1

Lahatsoratra :

Izy mianadahy

Sabotsy ny andro. Tsikaritr'i Raozy fa efa manomana ny diany hiasa i dada, mpandrafitra mantsy izy, ary efa mamboatra ny entam-barotra ho entina eny an-tsena koa i Neny. Vao nifoha maraina i Raozy dia namonjy namita ny asany.

Natombony tamin'ny fampirimana ny efitra fandriana izany ary nikisaka nankany an-dakozia rehetra any. Rehefa tonga i Bera zokiny avy natsaka dia notohizany tamin'ny famoahana ireo lamba maloto indray izany nony atoandrotoandro. Sady mivezivezy mijery ny nahandro matetika eo izy no mamita izany sasa lamba izany ary i Bera kosa manohy ny vaky kitay fanaony rehefa tsy mianatra toy izao.

Mahatehotia ery ny mijery azy mianadahy ireto noho jzy ireo mahay mifandefitra sy mifanampy mandrakariva amin'ny asa aman-draharaha ary indrindra fa ny fianarana. Mahatsiaro sambatra ihany koa ireo ray aman-dreniny satria manana zanaka mpankatoa.

- Mamaky mangina ny lahatsoratra aho.
- Mamaky ny lahatsoratra amin'ny feo antonony aho ary manaja ny lantom-peo sy ny mari-piatoana.
- Manadihady ny lahatsoratra aho

1-Tadiaviko ao anaty lahatsoratra ny teny mitovy hevitra amin'ireto:

Andraikitra =

Mifarimbona =

2- Tadiaviko ao anaty lahatsoratra ireo teny mifanohi-kevitra amin'ny hoe:

Nofaranana ≠

Mpaniratsira ≠

3-Soritsoritako amin'ny alalan'ny famenoana ity fafana ity ny mombamomba ireo mpandray anjara: ny andraikiny sy ny asa ataony, ny toerana ary ny fotoana isehoan'ny sehatra tsirairay

Mpandray anjara	Andraikiny eo amin'ny ankohonana	Toerana	Fotoana
I Dada			
I Neny			
Raozy			
Bera			

Sahanasa 2

- Fenoina amin’ny rohimpim-havanana misy ny fafana

ANKOHONANA	ROHIM-PIHAVANANA
BERA SY RAOZY
DADA SY RAOZY
DADA SY NENY
BERA SY DADA
RAOZY SY NENY
DADABE SY DADA
RAHALAHIN’I DADA SY I NENY
NENY EO IMASON’NY RAY AMAN- DRENIN’I DADA

- Arafitro an-tsoratra ny hevi-dehibe mifandraika amin’ny tanjona avy amin’ny fanohizana ireto fehezanteny ireto amin’ireto andian-teny manaraka ireto: “ny ray sy reny ary ny zanaka”, “ ny ankohonana maromaro misy rohim-pihavanana”

Ny antsoina hoe ankohonana dia ny fitambaran’.....

Ny antsoina hoe fianakaviana iray dia fitambaran’

Sahanasa 3

1. Tsipihiko izay teny entina milaza ny hoe” Ray aman-dreny” amin’ireto: Lanitra sy masoandro- kintana sy volana – siny be mangamanga- siny be manga roa- masoandro amam-bolana- nahitana masoandro – masoandro miposaka

2. Karohiko ny tohin’ireto ohabolana sy fomba fiteny manamafy ny firaisankina sy fifanajana eo anivon’ny ankohonana ireto:

- “ Velona iray trano, ”
- “Mpirahalaha mianala; ”
- “Manan-joky, manan-jandry.....”
- “Manan-joky....., manan-jandry ”
- “Zoky toavina,; zandry manoa..... ”

3. Tsoahiko ny toetra amam-pihetsika mampirindra ny tokantrano amin’ny fampifandraisana ireo amin’ny tsilo

Mirindra ny
tokantrano rehefa ●

- tsy misy fifanajan’ny mpianakavy
- mpimamo lava ny raim-pianakaviana
- mankatoa ray aman-dreny ny zanaka

Mikorontana ny
tokantrano rehefa ●

- manjaka ny fifandeferana
- misy ny fifanajana
- tsy mahakarakara ny akohonany ny reny
- tsy mialangalana ny zanaka